



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

Art. II. Vtrum Angelus possit multa simul intelligere?

[urn:nbn:de:hbz:466:1-77146](https://nbn-resolving.de/urn:nbn:de:hbz:466:1-77146)

ARTICULUS II.

Item Angelus posse multa simul intelligere?

Pro resolutione hujus difficultatis observandum est, duobus modis multa simul posse intelligi, nimirum vel ut multa sunt, vel ut sunt unum. Intelliguntur ut multa, quando sic intelliguntur non habeant ordinem ad aliquod unum intelligibile: ut unum vero, quando intelliguntur ut ordinata ad unum intelligibile. Hoc praeterea sit.

§. I.

Conclusio negativa statuitur.

Dicitur nec Angelum, nec hominem posse plura per modum plurium intelligere, bene non per modum unius. Est contra M olinam, Vauquem, Suarezem, & alios Recentiores. Est tamen D. Thomas hic art. 2. ubi sic habet: *Multa secundum quid sunt distincta, non possunt simul intelligi, sed secundum quid unita, in uno intelligi, si simul intelliguntur.* Idem docet Aristoteles. Topic. cap. 4. loco 38. his verbis. *Contra plura sint, cogitare autem non: per scire enim intelligi scientiam & cognitionem habitualem, & percogitare, cognitionem actualem.* Unde Suetianus ibi ait: *Sic in unum habitu uno insinuata, aut problemata, aut conclusiones: discursus autem & sermonem a uno dantur.* Et Aphroditeus: *Omnis, inquit, qui intelligi, unum aliquid intelligit: ut enim impossibile est plura ratione simul duci, sic etiam intelligi simul potest; nam intellectio est quedam oratio ipsius anima auditiva signa.*

Ratio etiam id suadet: Nam si intellectus plura ut plura simul intelligereret, vel unico actu, vel pluribus ea cognosceret? Neutrum dici potest: Ego &c. Major patet, Minor vero quoad utramque partem suadetur. Et in primis quod plura ut plura non possint unico actu simul intelligi, videtur manifestum: Nam ut ait D. Thomas articulo citato, *Sicut ad unitatem motus requiriatur unitas termini, ita ad unitatem operationis requiriatur unitas objecti: Sed plura ut plura non habent rationem unius objecti: Ergo nequeunt simul per eundem actu cognosci.*

Quod vero nec diversis actibus possint plura per modum plurium ab eodem homine vel Angelo simul cognosci, sic ostenditur. Quaelibet intellectio est ultima actualitas respectu intellectus & speciei intelligibilis quibus procedit. Sed non est possibile quod eadem potentia aut eadem forma sit simul terminata pluribus actualitatibus ultimis: Ergo repugnat quod intellectus humana vel Angelicus diversis actibus plura ut plura simul intelligat. Major patet, Minor probatur. Nam generaliter loquendo quaelibet potentia terminata actualitate ultima, ita expletur per illum, ut quamvis ab actibus possit aliam recipere, non tamen simul cum praexistenti: propterea si quidem materia prima non potest recipere aliam formam substantialem simul remanente priori, quia cum ambae sint ultimae actualitates, prima actualitas potentiam illius pro tempore quo sit in materia; altoquin per illam esset & non est ultimo actuata & terminata. Propterea etiam repugnat quod eadem linea terminetur pluribus.

Tunc. II.

A punctis; quod idem corpus, secundum eandem sui partem, pluribus & diversis figuris sit figuratum; & sic de aliis.

Ex hoc probata manet secunda pars conclusio-
nis: plura enim ut ordinata ad unum, possunt
unica intellecione intelligi, quia de formalis sunt
tantum unum, licet de materiali sint plura: Ergo
intellectus humanus vel Angelicus potest plura
per modum unius intelligere. Hæc conclusio ma-
gis constabit ex solutione argumentorum.

§. II.

Solvantur obiectiones.

B

Obijecies primò, Cognoscere diversa objecta per distinctos actus & diversas species, est plura ut plura cognoscere: Sed Angelus de facto diversa objecta per distinctos actus & diversas species simul cognoscit, simul enim clare cognoscit Deum per essentiam divinam gerentem vices speciei, & se ipsum per propriam substantiam, & alia à se per species accidentales ei infusas: Ergo plura ut plura simul intelligit.

Respondeo distinguendo Majorem: Cognoscere diversa objecta per distinctos actus & species, nullam inter se habentes habitudinem & subordinationem, est plura ut plura cognoscere, concedo Majorem: per distinctas species & actus inter se subordinatos, nego Major ep: ut enim communiter dicitur, *Vbi est unum propter aliud, ibi est unum tantum.* Ad Minorem similiter dicendum est, quod quando Angeli Beati per essentiam divinam tanquam per speciem intelligunt Deum, & se ipsum per propriam substantiam gerentem vices speciei, aliaque à se per species accidentales ei superadditas, tales intelleciones & species sunt inter se subordinatae; et quod essentia divina, per quam elicuntur visio beatifica, est eminentissima, corrinens in se quidquid p. re-
lationis est in aliis formis intelligibilibus: unde omnes species Angelo inditæ, & substantia illius, se habent ad essentiam divinam aliquo modo si-
cut species quinque sensuum externorum ad speciem sensus communis, cum qua non ponunt in numero, sed reputantur una species, quia illa re-
präsentat altiori modo quidquid ista repre-
sentant. Similiter etiam species inditæ quodammodo subordinantur substantiae Angeli, ut gerentis vicem speciei, quia hæc est aliquo modo excellens respectu illarum, cum representet, confusè saltē, omnia illarum objecta, unde essentia divina potest esse ratio determinans ad usum aliarum specierum, & ad cognoscenda objecta per illas representata; & similiter propria substantia potest esse Angelo ratio intelligendi seipsum, & mediā sui cognitione, illum determinare & constituere in actu, ut possit uti quilibet specie indita.

C

Hæc doctrina & solutio sumitur ex D. Thoma quest. 8. de verit. art. 14. ad 6. ubi sic ait: *Mens Angelis semper se actualiter intelligit ... nec tamen cum mens Angelis quodammodo se intelligit & aliud aliud, intelligit simul multa, nisi ut unum, quod sic patet: si enim aliqua duo ita se habeant, quod unum sit ratio intelligendi aliud, unum eorum erit quasi formale, & aliud quasi materiale;* & sic illa duo sunt unum intelligibile, cum ex forma & materia unum constituantur. Vnde intellectus quando intelligit aliquid per alterum, intelligit tantum unum intelligibile, sicut patet in visu: lumen enim est quod videtur color, unde se habet ad

Ecc iii

604

DISPUTATIO DECIAMA

406

colorēm quasi formālē, & sic color & lumen sūnt unum tantum visibile, & simul à visu videntur, Essentia autem Angelī est ratio cognoscendi omne quod cognoscit, quāvis non perfecte, propter quod formis superadditis indiget: cognoscit enim omnia per modum substantiae sua, ut dicitur in libro de causis, & secundum propriam virtutem & naturam, si dicit Dionysius cap. 7. de divin. nomin. unde cūm intelligit se & illa, non intelligit simul multa, nisi nūm.

14 Dices: Angelus movens cælum, seipsum intelligendo, simul cælum quod ab eo movetur intelligit, cum moveat illud per intellectum & voluntatem: Sed cognitio cœli moti ab Angelo, nullam habet subordinationem ad cognitionem quam habet Angelus de seipso: Ergo Angelus potest cognoscere diversa objecta per actus distinctos, nullam inter se habentes habitudinem & subordinationem, subindeque plura ut plura simul intelligere.

15 Respondeo concessi: Majori, negando Minorē: cælum enim & ejus motus pertinent quodammodo ad perfectionem Angelī ipsum motus, subindeque eorum cognitione ad perfectam Angelī notitiam ordinatur. Idem dicendum est de cognitione eorum, quæ sunt commissa Angelorum custodiarum: illa enim cognitione ad perfectam Angelī custodis notitiam quodammodo pertinet, & per consequens facit quodammodo unum cum illa.

16 Objicies secundō: Sensus tam externus quam internus cognoscit simul plura per modum plurimū: viuis enim simul videt plures homines, plura animalia, plures arbores, & alias res in prospectu positas; auditus etiam simul audit vocem loquentis, & sonum campanæ, tactus quoque plures qualitates in eadem re simul percipit, nempe frigus, duritatem, aut mollitatem; & denique sensus communis objecta visus, auditus, gustus, tactus, & olfactus simul percipit: cur ergo hoc idem non tribuimus intellectui, qui multo perfectior facultas est, & maximē intellectui Angelico.

17 Respondeo primō, negando Antecedens: nam quando plura objecta à sensibus externis vel internis simul percipiuntur, non per modum plurimū, sed per modum unius cognoscuntur, quatenus scilicet unum objectum ad æquatum & totale unius sensationis efficiunt, & per unicam speciem representantur. Ita D. Thomas quodlib. 7. art. 2. ad 1. ubi hæc scribit: *Sensus communis quævis sit una potentia secundum essentiam, tamen aliquo modo multiplicatur secundum esse, in quantum coniungitur diversis sensibus propriis; sicut unum centrum coniungitur pluribus lineis: unde immutationes omnium sensibilium simul terminantur ad sensum communem; sicut motus qui esset per omnes lineas, posset simul terminari ad centrum. Sed intellectus non multiplicatur modo predicto in plures potentias, & ideo non est simile.* Alia etiam inter intellectum & sensum tam externum quam internum reperitur differentia: nam sensus est potentia organica, & ideo potest in diversis partibus organi diversas sensationes elicere; quod non potest intellectus, quia est potentia inorganica & in divisible. Unde secundō responderi potest, dato antecedente, negando consequiam & paritatem.

18 Objicies tertio: Plures simul dantur species intelligibles in intellectu tum humano, tum Angelico, non coordinatae inter se, seu non ordinatae ad

A representandum unum, sed representantem plura ut plura: Quidni ergo in illo simul esse poterunt plures intellæctiones & species expressæ, quibus plura ut plura cognoscantur.

Respondeo rationem disparitatis esse, quia species intelligibles ex parte principii intellective tenent, & se habent per modum principii & causa intellectionis, intellectio autem & species expressæ sunt ultimus terminus, & ultima actualitas potentiae intellective, ut patet ex supra dictis: licet autem ejusdem possint dari plura principia partialia, & plures formas & virtutes idem principium totale completes, repugnat tamen eandem rem habere plures ultimas actualitates, pluresque terminos ejusdem rationis, & non subordinatos, ut supra ostendimus.

ARTICULUS III.

VRUM IN ANGELI POSITI ESSERE DISCURSUS

s. I

Quibusdam premisis conclusio negativa statuit.

SCOTUS in 2. dist. 7. quest. 1. admittit in Angelis discursum, tam circa naturalia quam circa supernaturalia. Ei favet Molina in praesenti, dicens quid Angelus discurret per accidens circa objecta. Suarez verò libro 2. de Angelis cap. 33. docet angelos posse discurrere circa supernaturalia, & circa naturalia qua non possunt cognoscere evidenter, qualia sunt futura contingencia & cogitationes cordis. Econtra Divus Thomas & eius Discipuli omnem protus Angelis denegat discursum, tam aetate quam possibilem, & circa res tam naturales quam supernaturales, tam circa ea qua evidenter cognoscunt, quam circa ea qua conjecturaliter solum intelligunt. Procula sententia declaratione, duo præmittenda sunt.

In primis cum eodem S. Doctore supra quodlib. 4. art. 7. observandum est, duplum esse discursum; unum improprium, qui dicit tantum successione actuum se consequentium absque illatione, ut quando intellectus intelligit hoc post hoc alterum proprium, qui non solum successione, sed etiam causalitatem inter actus importat, ut prior cauet & inferat posteriorē. De primo non est difficultas in praesenti, quia manifestum est illum reperi in Angelo: cūm enim non fiat actus purus, nec in esse intelligibili, nec in esse naturali, sicut Deus, omnia unico actu intelligi nequit, sed pluralitate actuum sibi succedentium indiget. Unde solum hic agimus de secundo discursu.

Supponendum est etiam, ad verum & proprium discursum, non sufficere, quid unum objectum sit ratio cognoscendi aliud: alia scientia Dei & visio beatifica essent discursive; cum essentia divina sit ipsi Deo & beatis ratio cognoscendi creaturas: potentia etiam visiva esset discursiva; cum lumen sit illi ratio videndi colores, ut docent diversarii. Verus ergo & proprius discursus duabus necessario requirit conditiones: prima est distinctione actuum, quæ sit realis, si discursus sit formalis; secunda est, quid sit illatio & vera causalitas inter actus, ita ut prior cauet & inferat posteriorē, quod accidit quando intellectus intelligit hoc ex hoc, sive quando ex uno prius cognito devenerit in cognitionem alterius posterioris cogniti: hanc item prioritas & posterioritas non est semper